

تۈرك يۈردى

ناشرى : تۈرك يۈردى .

مەنبەرى : ئەدەبىياتىمىز .

۱۳ كۈنۈن ئول ۱۳۲۸

يىل ۲

۵ ۵۰

تحويلاتندن مناسب بر قسمة بلغارستانه دور ايدلمسى لازم کليردى . زيرا
تحويلات مذکوره يقابل آلمان پاره لر ، شرق شمندوفرلرينك انشاسندن
بشقه بريره صرف ايدلمه مشدى . حال بوکه مسئله ده تماماً بشقه صورتده حساب
وحرکت ايدلمش و دولت عثمانيه (۳۱۰) كيلومتر لوق روم ايلي شرقى شمندوفرى
ايچون آنجق قرق ميليون فرانق ، يعنى هر كيلومتر باشنه (۱۲۷،۰۰۰) فرانق
تأديه ايدلمشدر ! بو صورتله بلغارستان ، مذکور شمندوفرلره بارون هيرشك
صرف ايتمش اولدينى پاره لردن دهها آز بر مبلغ ويرمشدر ، زيرا مومى اليك
كيلو مترو باشنه وقوع بولان مصارقات انشائيه سى (۱۵۰،۰۰۰) فرانقه بالغ
اولمشدى . بناء عليه توركيه يه پك هالى يه مال اولان روم ايلي شرقى شمندوفرلرى ،
بلغارستانه اوقدر اوجوز صاتيلىمشدر که مذکور شمندوفرلرک بوقدر اوجوز
قيتالنه انشاسنه هيچ بر متعهد ياناشماز . والحاصل روم ايلي شرقى شمندوفرلرى
بلغارستانك انه كچديكى حالده مذکور شمندوفرلرک انشاسى ايچون ياييلان
بورجلر ، ينه توركيه نك صرتنده قالمشدر .

اگر دولت عثمانيه بورجلرينك يقينده وقوع بوله جق حسابلى ده بالاده كى
وجه ايله اجرا ايديله جك اولورسه بوندن نه كې نتايج وخيمه حصوله كله جكنى
تصور ايتمك مشكل دكلدر . فقط بوتون تهلكه لر بونلردن عبارت دكلدر !

يارورس

مطبوعات

آجى بر حقيقت

موسقواده چيقان « اوتروروسي » غزنه سى ، بالفان متفكرينك غلبه چالوب تورک
اردوستك مغلوب اولماسى سببلرينى کوسترمک اوزره خيلى مهم بر مقاله يازمشدر . بو
مقاله نك بعض قسملرينى عيناً ترجمه ايدیورز . قارملر يمز دقتله اوقوسونلر .

بر طرفك مظفر ، ديكر طرفك منهزم اولماسى اسبابى ، عسکرلک نقطه

نظرندن دكل ، يالكز احوال روحيه اجتماعيه جهتندن تدقيق ايدم جكز .
 ۳۵ ييل اول اسلاولرى قورتارمق مقصديله روس عسكرى ماكيدونيا
 وتوركيه داخل اولدینی زمان ، بالقان خرسيتيانلرنده يکی برحيات باشلامشدي .
 واقعا برلين قونغره سی آيستا فانوس معاھدہ سی دفن ايشدی ، فقط بو معاھدہ
 بالقان ملتري نك قلبنده اولمدي ، بالمکس بويودي ، کنيش لندی . واقعا
 ماكيدونيا ، تراکيا واسکی صربستان تورکيه آندم قالدي ، فقط بو اراضيده
 هتوز محکوميتدن قورتيلوب حریت مليه قازانمش ملتيره منسوب خرسيتيانلر
 ساکن ایدی . بوجهته بالقان وولقانسک آتشی بر دقیقه بيله سونمده دی ،
 آره صره آلوینی کوستره رک متصل ايچين ايچين ياندي ، طوردی . تورکيه اداره سنده
 بولونان محللر ، اساساً تورکلرله دکل ، مستقل بالقان ملتري نك دين وقان
 قارداش ليله مسکون بولنديغندن ، بالقان دولتلى ، اورالى کندی ولايتلى
 عدايدى يورلردی . بلغارلر تراکيا و ماكيدونيا ليلرله ، روملر ايپريلرله ،
 صربلرده اسکی صربيه ليلرله پک صيقي مناسبتده بولنيورلردی ، بو حال بالقان
 حکومتلرينی ، هر آن تورکيه امور داخلينه سینه مداخله يه سوق ايدى يوردي .
 کرک بلغارستانده و کرک ديگر حکومت بالقانيه ده پک جوق ماكيدونيا
 مهاجرلرينک بولماسی ده آيروجه حائر اهميت ایدی . ديگر بالقان حکومتلرندن
 صرف نظر ، يالكز بلغارستانده اوچيوز بيکدن زياده ماكيدونيا مهاجری
 اقامت ايدى يوردي . وبونلر ماكيدونيا اهالي سنک اک متشبت واک دکرلی
 اقساميدر . بونک بويله اولدینی ، بوکون بلغارستانده موجود مطبوعاتک کاملاً
 ماكيدونيا ليلر آندم بولنمه سيله ده آکلاشيليور . متعهدلرک ، تجارت وسائر
 دخی هب مهاجرلرده در ، دینه بيلير . ماكيدونيا ليلرک بلغارستان افکار عموميه سی
 اوزرينه پک بويوک تأثيرلى اولدی . زيرا تشکيلات اختلايه نك ده روحی
 بونلردی . اختلاجی ، جته جی و بومباچيلر ، بلغارستانى استه دگرلی کبی
 اوينايورلردی . ماكيدونيا مسأله سنک حلی تأخر ايتدکجه ، ماكيدونيا ليلرک
 تعجيزاتی آرتيوردي . بلغار حکومتی ، هر درلو غير منتظر حاللره قارشى قويه بيلمک
 ايچون اولانجه قوتنى اردوسنک تربيه ، تعم و تجهيزنه صرف ايدى يوردي .

تورکیه حکومتی ده کندیسی تهید ایدن تهلهکه دن بیخبر دکلدی ؛ فقط برشی یایمهیه مقتدر اولامیوردی . زیرا ، عثمانلیی ترکیب ایدن مختلف ملتار منافع مشترکه ایله بربرلرینه مربوط دکلدی . هر قوم کندینه خاص برامل آرقه سندن قوشیور و بوندن متولد اختلال واغتشاشلرله تورکیه متبادیاً قارشیدوردی . بواقوام آره سنده تورکر ، هپ تورک قالمشدی . فقط قرآن ، اسکی حیات وقوتی ، شجاعت اسکی صفوت و اهمیتنی غائب ایتمشدی . قرآن روح قدیمه معکوس بر تفسیر ایله جهلک حامیسی ، تعصب و ارتجاعک منبعی کبی تلقی اولیوردی . شجاعت ، موقعنی معلومات ومهارت عسکریهیه ترک ایتمشدی . واقعا تورکر اک صوک سیستم سلاحدلی صاتین آلهرق ، کندیلرینه فنون عسکریه اوکرتماک اوزره مشهور معلملر جلب ایتشاردی . فقط بومعلملردن چوق شی اوکرنه مدیلر . ۹۳ مغلوبیتندن بری اوزون سنه لر کچمش اولماسنه رغماً تورکر اسکی استیفی بوزمادیلر . اردولری آلمان جنراللرک ، بحریه لری انگلیز آمراللرک اداره وقومانداسی آلتنده خیلی مدت بولندیسه ده جدی ترقی ایتدی . ۹۳ سفری خفیف کچمشدی ، زیرا اولزمانلر فنون حریه هنوز بو رادیه کلامش ، شجاعت شخصیتهک بوتون قیعتی زائل اولمامشدی . شمدی ایسه ، اردولرده معلومات عسکریه برنجی موقعی اشغال ایدر .

بلغارلرک ترقیدی ، تورکر ککنه تمام ضد بر لوحه عرض ایدر . ۹۳ ده تخلص ایدیلش بلغارلر ، شعورلی برحیات کچیر مشاردر . بونلرک معین بر مقصد سیاسیلری ، صریح برامللری واردی . ۹۳ دن اول وصوکره بوتون بلغارماتی عرق ودینه مستنداً اتحاد ایتش بولنیوردی . بلغارستانده شعورایلق کیتدکجه تزايد ایتشدر . بوندن دولای بلغارلر آره سنده مدنیته خدمت ایدنلرله ملت اوغرنده اختلاجلیق ایله ینلرک مقداری آرتدکجه آرتمشدر . بوتون بلغارلق « حریت وملیت اوغرنده اولن اولمز ! » شعارینی عقیده اتحاد ایده رک ، عین هدفه متوجهاً دائماً ایلرولیوردی .

بلغارستانک کسب استقلال ایتمه سندن اعتباراً عملی هدفی شو بر قاج کله ایله خلاصه اولنه بیلیردی :

— محکوم قارده شاری قورتارمق !

بومقصد ، هر بلغار ایچون ، اك اوجرا بر کویده یاشایان بسیط برکویلی
ایچون بيله يك قولای آکلاشیلیر ، آجیق بر مقصددی . بوتون بلغارلر آل
برلکيله بومقصدك استحصاله جالیشیورلردی .

فقط محکوم قارده شلر نصل قورتاریللاجق ؟

بوکا بوتون بلغار ملتى ، یکذهان اوله رق شو جوابی ویریوردی :

— ترقیات مدنیه ایله .

بلغارستان هنوز بویوک برقوه مدنیه اظهار ایدمه مدی ؛ لکن هرکسه
اوقومهنی ، یازمایى اوکرتدی ؛ اهالی بی معین براملله تربیه ایتدی ؛ اولکیندن
دها صیقی وقوی اتحاد ایتدیردی . آرتق بلغارلرک همان هیمى منافع سیاسیه سنی
تقدیر ایدیور ، تورکیه ده ملنداشلریله برلشمدیکه بلغارستانك کرکی کبی ترقی
ایده میه جکنى آکلایوردی . بونکچوندی برکون مطلقا تورکلرله حساب
کودمك لازمکله جکمه قناعت کتیرمشدی . ایشته بو قناعت ، ۳۰ سنه دن بری
نسیلیجات ایچون بر جوق قدا کارلقلر اختیاری و محاربه ایچون منادی
حاضرلرده بوللماسنی ایجاب ایتدیرمشدی . عسکری قیشله لرده افراد یالکز
عسکرلکه دکل ، ملنداشلغده اوکرتاییوردی . تاریخنن ایضاحات ویریلیور ،
وتورکلرله مطلقا حرب اوله جنی و حربکده مطلقا لازم اولدینی هر نفره تلقین
وتلقیح اولئیوردی .

حرب اعلان اولدینی زمان هیچ بر بلغار وظیفه سنندن غافل دکلدی .
بالعکس بوتون بلغار ملتى حربی ، اوزون مدت صرف مساعی ایدمک ، ثمره سنی
صبرسنزقله بکله دیکی برحاضرلغت نتیجه طبیعیه سنی کبی تلقی ایدیوردی . حرب
اعلاننده بوتون بولغارستان جانلاندی . عسکر ، حربه ، اولومه ، دوکونه
بایرامه کیدر کبی کیدیوردی . هپسنگ قابنده :

« حربیت ، ملیت ایچون اولان اولماز ! » عقیده سنی جارییوردی .

عجبا بر قسم عثمانلیلر بو حربه نصل کلشلردی ؟

بونی آ کلامق ایچون براسیرله ایدیلن شو مکالمه یی اوقویکنز :

— نیچون حرب ایدیورسکنز ؟

— نیچون اولدیغنی بیلیمورم : بن قونیه لی یم .

— ناصل اسیر اولدیکنز ؟

— تسلیم اولدق .

— نیچون ؟

— اولدیر یلمه مک ایچون .

ایشته عثمانلی عسکرلری آرسنده بویله سویله یئرلر وار . تورک اردوسنده بولونان دیگر برقسم عسکر ایسه قارشیلرنده هم دین و هم لسانلری کوریورلردی . طبیعیدر که بویله بر اردو ، بر فرد کبی حرکت ایده مزیدی .

مقاله آجی ، هله صوک سطرلری پک آجی . لکن خسته لغنی کیزله یین ، قانغریتنی کسوب آتمه یین ، اولور ؛ آجی حقیقتلرله یوز یوزه کلکدن اورکنلر ، هپ آلدانیرلر ...

تورک لک شونوی

لطفی فکری بکک یکی فرقه سی — لطفی فکری پک ، اوچ درت سنه دنبری سیاست صحنه سنده کوزه چارایلین مملک لک صمیمیسی ، بلکه فضله صمیمیسیدر . اسکی یونان ، کهنه ییزانس پولیتسیه نلکک ، دهماغوغلک فلاسیک وطنی ایدی . پولیتسیه یین ، صرف واصل اولق ، مهمجه بر موقع طومق ، حاصلی کلاه قانع ایچون دینی . سیاسی ، اجتماعی افکار ایله — هیچ بریسنه ذره قدر اینا عادی حالده — اوینار طور بر . بوکون دیندار کورینیر ، دینی سیاستی ترویج ایدر ، محافظه کارلنی مملکتک بقاسنه یکانه چاره کوستیر ، ملی عنعنه لری مدح ایله ، « اونلره یاپیشیک ، اونلری براقایک ! » دیر ؛ یارین خلاص ونجاتی حراند یشلکده بولور ، عنعناتک سوکلوب آتلاسنه شدتله چالیشیور کبی کورینیر . دها او بریسی کون بر اعتدال پرور کیسلیر ، الح . پولیتسیه یین ، غایه سی نفس نفیسندن عبارت بر او پورتونیستدر ؛ یعنی شخصی مقصدینه وصول ایچون ناصل کورینمه یی موافق صائیرسه او یله کورینیر . دهماغوغ ایسه یینه صرف شخصی مقصد اوغرنده ، هر کسک خوشنه کیدن یوله هر کسی چاغیران بر مذهب سزدر . دهماغوغ